

Í neðri hringið í 12. In emergency, call 112.

Mælt er með að skilja eftir ferðabættun á www.safetavel.is

Farfnimasamband er víðast hvar á svæðinu en getur verið ótrúlegt.

Væðvæmum fyrir raski.

Opnast og undir yfirborði leyvast sjóðandi hverir.

Íþingvæðgt að sýna aðgæti. Ný hitasvæði geta

Íþingvæðgt að sýna aðgæti. Ný hitasvæði geta

Íþingvæðgt að sýna aðgæti. Ný hitasvæði geta

Íþingvæðgt að sýna aðgæti. Ný hitasvæði geta

Íþingvæðgt að sýna aðgæti. Ný hitasvæði geta



Gönguleiðir um Kerlingarfjöll



VELKOMIN Í KERLINGARFJÖLL

Kerlingarfjöll eru fjallaklasí á sunnanverðum Kili, skammt í suðvestur frá Hofsjökli, á vatnaskilum Hvítár og Þjórsár. Þau eru þyrping tinda og eggja sem ná yfir u.þ.b. 150 km² svæði. Hæstu tindarnir eru í um 1500 m hæð yfir sjó. Árnar Ásgarðsá, sem rennur í Hvítá og Kísa, sem rennur í Þjórsá skipta fjöllumum nánast í tvo klasa, vestur- og austurfjöll. Fjöllin draga nafn sitt af klettinum Kerlingu, sem er 25 m hár móbergsdrangur sem stendur í ljósri líparítskriðu sunnan í Kerlingartindi í vestanverðum fjöllumum. Í Austurfjöllum er hæsti og hrikalegasti hluti svæðisins. Hæstu tindarnir eru Loðmundur, 1432 m og Snækollur, sem er hæstur 1477 m.

Í Kerlingarfjöllum er eitt af öflugri háhitasvæðum á hálendinu, staðsett í miðjum fjallaklasanum og afmarkast af nokkrum tindum, sem taldir eru vera úr brúnum á stórum eldgjg sem þarna hefur verið. Meðal þeirra má nefna Mæni, Hveradalahnjúk, Fannborg, Hött og Ögmund. Í hlíðum sumra fjallanna eru smájöklar, sem hafa minnkað mjög á síðustu áratugum. Farvegur Ásgarðsár er þröngt gil hið efra sem opnast í lítinn dal skömmu áður en áin rennur í Jökulfallið.

Hveradalir greinast í Vesturdali, Miðdali og Austurdali. Hverirnir þar eru gufu- eða leirhverir. Mikil samfelld ummyndun í berg- og jarðgrunni einkennir hverasvæðin auk þess sem sérstæður gróður vex í nágrenni við hverina.


Gönguleiðir frá Ásgarði

A. NEÐRI-HVERADALIR - 10 KM

Leiðin er stikuð. Hækkun um 400 m. Erfiðleikastig rautt. Leiðin endar norðan við Neðri-Hveradali, skammt frá Snorrahver, við Hveradalahrínginn (sjá leið F).

Þjónustumiðstöð Ásgarði (N 64° 40.998 V 19° 17.985)
Hveradalahríngur (Snorrahver) (N 64° 38.96 V 19° 18.139)


Lagt er af stað frá Þjónustumiðstöðinni í Ásgarði og haldið sem leið liggur yfir Ásgarðsá á brú. Þegar komið er yfir ána er merktir gönguleið fylgt upp malarásinn (sjá göngustíg) og þaðan á brattann fram hjá Hveradalahnjúki vestan megin. Þetta er falleg göngleið og ber ferðamanninn upp að Neðri-Hveradölum þar sem hún mætir gönguleið sem fer hring í Neðri-Hveradölum (sjá Hveradalahríngur). Á leiðinni er ekki úr vegi að staldra við í góðu veðri og horfa í norður því viðsýnt er bæði norður Kjöl sem og vestur yfir Kerlingarfjöll og í átt að Hvítárvatni. Af þessari leið er önnur merkt leið sem tekur okkur hringinn í kringum Mæni (sjá Mænishringurinn). Þessi gönguleið er á færi flestra enda fjölfarin af ferðamönnum sem heimsækja Kerlingarfjöll.



B. ÁSGARÐSFJALL - 2,5 KM

Leiðin er stikuð. Hækkun rúmir 200 m. Erfiðleikastig blátt. Gera þarf ráð fyrir einum til tveimur klukkustundum í leiðina fram og til baka.

Leiðin á Ásgarðsfjall er auðveld. Gönguleiðin hefst við Þjónustumiðstöðina og liggur á milli gistishúsanna sunnan við Þjónustumiðstöðina og áfram inn að litlu gili. Þar er farið upp og komið að vegslóðanum upp á Keis. Gengið er upp fjallið í suð-austur og tekin vinstri beygja í norður upp eftir hryggnum á fjallinu. Ágætt útsýni er frá Ásgarðsfjalli yfir norðan verðan Kjöl og í átt að Hofsjökli. Enn fremur er góð yfirsýn yfir austari fjöllin í Kerlingarfjöllum sem og norð- vestur yfir Kjöl að Hnúfelli og Hvítárvatni. Skemmtilegar móbergsmyndanir eru á toppi fjallsins.



C. SKUGGAFOSS - 15 KM

Leiðin er ekki stikuð. Hækkun um 100 m. Auðveld ganga. Erfiðleikastig blátt. Gera þarf ráð fyrir 5- 6 klst í leiðina fram og til baka.

Skuggafoss (N 64° 42.424 V 19° 11.257)

Skuggafoss fellur í þröngu gili í Jökulfallinu sunnan við Blágnýpu skammt frá Hofsjökli. Gönguleiðin liggur fyrstu 1,5 km eftir vegslóðanum að Setrinu. Þvera þarf nokkra læk í byrjun en eftir það er haldið í austurátt upp eftir og meðfram Jökulfallinu. Eftir rúma 5 km er komið að Skuggafossi og þar er upplagt að setjast niður og njóta fegurðarinnar í nágrenni Hofsjökuls. Fossinn er stórbrotinn og falletur þar sem hann fellur í þröngu gili.




D. HVINUR – FOSSRÓFUR - 15 KM

Leiðin er stikuð. Hækkun er um 40 m. Auðveld ganga. Erfiðleikastig blátt. Gera þarf ráð fyrir 2 -3 klst í leiðina fram og til baka.

Brúin á Jökulfallinu hnit (N 64° 42.19 V 19° 23.7)

Gönguleiðin hefst við brúinna þar sem afleggjari Kerlingarfjalla og Leppistunguleið mætast. Gengið er meðfram Jökulfallinu frá Hvin að Fossrófum. Jökulfall rennur í miklum gljúfrum allt frá fossinum Hvin og niður að Fossrófum. Haldið er niður eftir norðan megin við Jökulfallið. Gengið er meðfram ánni að Gígjafossi. Þar er vert að staldra við og skoða þenna fallega foss þar sem Blákvíslin og Jökulfallið mætast. Næsti hluti leiðarinnar liggur áfram með Jökulfallinu, sunnan flugvallar, og niður að Fossrófum. Spólurinn niður að Fossrófum leiðir okkur fram hjá Skipholtskrók en þar hefur staðið yfir leit að hinum heilaga bikar (Holy grail) sem notaður var í síðustu kvöldmáltíðinni.




E. KERLING - 7,5 KM (FRÁ LEPPISTUNGULEIÐ)

Leiðin er stikuð. Hækkun um 150 m. Auðveld ganga. Erfiðleikastig blátt. Gera þarf ráð fyrir 2-3 klst Göngu fram og til baka.

Bilastæði við Skeljafell (N 64° 39.489 V 19° 24.096)
Kerling í Tindi (N 64° 38.164 V 19° 23.193)

Ekin er merktur vegslóði, (Leppistunguleið) að Fremri-Ásgarðsá og að Skeljafelli. Bilastæði er ca 200 m frá ánni. Frá bilastæðinu er gengið milli Skeljafells og Tinds merкта gönguleið að Kerlingu. Kerlingin er um 24 m hár móbergsstapi sem Kerlingarfjöll eru nefnd eftir. Tignarlegt er að standa hjá móbergsstapanum og ríffa upp þjóðsögur af tröllkerlingu sem varð að steini. Val er um leiðir til baka og hægt að ganga merкта leið upp á Skeljafell, eða vestur fyrir og koma Leppistunguleið til baka að bilastæðinu. Sé gengið upp á Skeljafell bætist við um 250 metra hækkun.



Frá bilastæðinu við Keis

F. HVERADALAHRINGUR GÖNGULEIÐ Í NEÐRI – HVERADÖLUM - 4 KM

Hringleið með hliðarstígum. Leiðin er stikuð. Hækkun um 100 m. Nokkuð erfið ganga upp og niður, þrep og stígar geta verið hálr. Erfiðleikastig rautt. Gera þarf ráð fyrir 1- 2 klst ef allur hringurinn er genginn

Bilastæði við Hveradalina (N 64° 38.787 V 19° 16.744)

Gengið er frá bilastæði við Hveradalina og fram á brún þar sem leiðin liggur niður tröppur. Í Neðri – Hveradölum er gönguleiðin merkt og liggur yfir Ásgarðsá á tveimur göngubrúum. Tröppur hafa verið útbúnar á gönguleiðinni í leirbrekkur svæðisins. Hér má sjá heitar laugar, leirverir, soðrönnur, gufuhverir og gufuaugu svo þéttstæð að furðu sætir. Litadyrðin er einstök sem skapast af fjölbreytilegum útfellingum af brennisteini og sóltum. Svæðið er mjög viðkvæmt og mikilvægt að halda sig á göngustígum. Neðri – Hveradalir eru lítið grónir en þar finnast þó nokkrar mosategundir sem og flétturnar Hamranafli og Svarðskjóða sem hafa hátt verndargildi.




G. FANNBORG, VESTURGNÝPA, SNÆKOLLUR, SNÓT OG LOÐMUNDUR - 9 KM

Fjallaleið á hæstu tinda Kerlingarfjalla. Leiðin er ekki stikuð. Samtals hækkun um 650 m. Krefjandi ganga en vel fær megin hluta sumars. Erfiðleikastig svart. Ganga á Loðmund er ekki fyrir lofthrædda. Gera verður ráð fyrir 5 - 6 klst. í ferðina.

Bilastæði á Keis (N 64° 39.073 V 19° 15.295)
Snækollur (N 64° 38.620 V 19° 13.725)

Gangan hefst við bilastæðið á Keis við hús/ skúr sem nefnt er Kastali. Þaðan er gengið eftir líparít (ryólít) hrygg í suð-vestur og að rótum Fannborgar. Lagt er á fjallið vestanvert og fylgt göngustíg upp á fjallið vestan megin. Frá Fannborg er gengið í austur átt á Vesturgnýpu og sést göngustígurinn vel vestan í því fjalli. Eftir Vesturgnýpu er gengið að Snækolli með viðkomu hjá klettinum Úrilli. En það er fallegur klettur og ágætur hvíldar og nestisstaður. Snækollur er hæsti tindur fjallanna og er um 1477 m hár. Þar er afar viðsýnt til allra átta enda standa Kerlingarfjöll nánast í miðju landinu. Í góðu og tæru skyggni má sjá til hafs í vestur og norður. Gengið er niður af Snækolli austan megin og þaðan liggur leiðin niður á Snót. Frá Snót er gengið í norður eftir hrygg sem ber okkur að Loðmundi. Gangan á Loðmund er brött og krefjandi og klifurganga í lokin. Þar er vír sem hjálpar til við síðustu metrana.



Þriggja daga hálendisganga frá Ásgarði

H. HRINGBRAUTIN - 47 KM

Hringleið í kringum Kerlingarfjöll. Krefjandi gönguleið. 3 dagleiðir og gistimöguleikar í skálum í Kisubotnum og við Klakk. Taka verður með allan búnað og engin þjónusta er í skálum á leiðinni.

1) Dagleið: Ásgarður – Kisubotnar ca 17 km.

Gengið frá Þjónustumiðstöðinni í Ásgarði merкта gönguleið í átt að Ásgarðsfjall. Þegar komið er upp á vegslóðan sem liggur upp í fjöllin er hann gengin í suður ca 2 km meðfram Ásgarðsgljúfri. Eftir það er farið í austur átt niður fyrir neðan Keis og haldið áfram norðan megin við Loðmund. Síðan er gengið austur fyrir Loðmund og haldið í suðurátt að Kisubotnum. Þetta er auðveld gönguleið. Upphækkun er lítil en yfir nokkrar sprænur að fara þannig að gott er að hafa með vaðskó. Við Kisubotna er lítil skáli og ágætt tjaldstæði. Leiðin er stikuð nema á aurnum undir Loðmundi.

Skáli í Kisubotnum (N 64° 36.509 V 19° 8.445)

2) Dagleið: Kisubotnar – Klakkur ca 7 km

Þetta er stutt dagleið en vaða þarf yfir ána Kísu. Frá skálanum í Kisubotnum er gengið í suður og svo vestur að Kísu. Þegar komið er að ánni blasir við gil, hægra megin, sem skemmtilegt er að ganga inn í og skoða áður en haldið er áfram. Þegar yfir Kísu er komið er haldið upp slakka í áttina að Kisugljúfrum. Kisugljúfur eru stórbrotin og hrikaleg gljúfur sem vert er að skoða. Gæta þarf sérstakrar varúðar við gljúfrin. Gengið er áfram til vesturs að Klakk og að Klakksskála. Leiðin er stikuð.


Vað á ánni Kísu (N 64° 35.238 V 19° 8.022)

Skáli við Klakk (N 64° 34.027 V 19° 16.419)

3) Dagleið: Klakkur – Ásgarður (Neðri Hveradalir) ca 23 km.

Klakkur – Ásgarður (Neðri Hveradalir) ca 23 km. Þetta er lengsta og erfiðasta dagleiðin en býður upp á mikla litadyrð og fallega fjallasýn. Frá Klakksskála er farið upp í skarðið milli Ögmundar og Hattar. Í fyrstu er gengið yfir mela og grjótholt og yfir Kerlingarágil. Þar verður að vaða Kerlingará. Eftir að yfir skarðið milli Ögmundar og Hattar er komið tekur Sléttaskarð við, þar er hægt að velja hvort menn fara vestan eða austan við Mæni. Þeir sem fara vestan við Mæni koma inn á gönguleið sem tekur þá að Hveradalahnjúk og eiga þá ca 3 km eftir í Ásgarði. Þeir sem fara austan við Mæni ganga í Hverabotna, sem er eitt litríkasta hverasvæði landsins. Þaðan er haldið upp á Hveradalaskyggni og niður í Neðri-Hveradali og svo áfram niður í Ásgarði. Leiðin er stikuð að mestu leyti.





- P Bílastæði
 - wc Salernisaðstaða
 - I Þurrsalerni
 - A Tjaldsvæði
 - II Veitingasala
 - G Gisting
 - V Vað
- Gönguleiðir
- Auðvelt
 - Krefjandi
 - Erfitt
- Vegir
- Malarvegur
 - Illfær vegur
 - Torleiði
- Annað
- Skáli / mannvirki
 - Fyrirhuguð friðlýsingarmörk
- Fyrirhuguð friðlýsingarmörk eru hljóð að hluta að norðanverðu fyrir framvegi.

